

Laajrakin mennin aikuj ko ilo ablikajon in jibañ ko ikijen bōjrak jermal.

Kwōmaron tōbrak ñan jibañ ko an bōjrak jermal elañe kwar jab maron jermal kin COVID-19.

Jet wāween ko rekoba:

- Jikin jermal eo am ear kiil ilo jidik ien bijnej eo ñan an loor melele in kajinet ko an state.
- Rar kōbōjrak am jermal iomwin jidik ien ak ear diklok awa ko am kin an bijnej eo kar diklok kōmadmōd ko an ear jab lab aikuj kōmadmōd ko.

Ñan jejetin wāween ko ikijen COVID-19 im remaron kar jelōte am maron tōbrak ñan jibañ ko ikijen bōjrak jermal, jouj im lale esd.wa.gov/newsroom/covid-19.

Laajrakin maron tōbrak ko rekkā ñan jibañ ko ikijen bōjrak jermal:

- Kwar aikuj kar jermal jab diklok jen 680 awa ilo yiō eo am jinoin, im kwar aikuj bar bōk jidikin kolla ko am ilo state eo an Washington.
- Jinoin yiō eo am ej allon ko emen jinoin ilo kuwata ko lalem kwar kamōji iloan kōlantā eo mokta jen wiik eo kwar lelok kajitok eo am.

Waanjonok:

- Ñe kwar baele kajitok eo am ilo Maaj 2020, jinoin yiō eo am ej Oktoba 1, 2018 ñan Jebtomba 30, 2019.
- Ñe kwar baele kajitok eo am ilo Ebrol, Mae, ak Juun 2020, jinoin yiō eo am ej Janode 1, 2019 ñan Tijemba 31, 2019.

Lale laajrakin men ko ñan am maron tōbrak ñan jibañ ko ikijen bōjrak jermal ilo esd.wa.gov/unemployment/basic-eligibility-requirements.

Ñe kwōj lomnak kwōmaron tōbrak, kōjermal laajrakin mennin aikuj ko ñan am aen melele ko am im bōjak ñan am kateruru.



Ra eo ej lale Jermal (Employment Security Department) ej juon jikin jermal/burokraam ejellok kalijeklok. Ewōr kein jibañ in roñjak ak riit ñan ro renaj kajitok im ewōr aer utamwe. Ewōr jibañ kin ukok ñan ro ejab lukkun bwe aer melele kajin belle im ejellok wonnen. Jikin jibañ ilo Washington ñan an ejellok kalijeklok ñan ro ewōr aer utamwe in roñjak, kenono, ak lolokjen (Washington Relay Service): 711

Mokta jen am kanne am beba:

Aen aoleb melele ko kwōnaj aikuji ñan am kadedelok ablikajon eo:

- Etam, nomba in Social Security eo am, raan in lotak im melele ko ñan kebaak kwe.
- Dedelok in aoleben melele in jermal ko am jen allon ko 18 remootlok ekoba:
 - Etan jikin jermal eo/ko
 - Atorej eo/ko
 - Nomba in talebon eo/ko
 - Raan eo ear jinoe im bōjrak jermal ilo kajojo jikin ko
- Nomba in akkoun eo am ilo bank im nomba in routing eo, elañe kwōkōnaan kadeloñ etam ñan an kaju deloñ jaan ilo akkoun eo am.

Elañe ekkā am bōk jermal ko am ibben juon doulul in jermal (union), ear wōr lablok jen 16 jikin jermal ilo jinoin yiō eo am, ak kwar jermal ilo jikin tarinae ilo allon ko 18 remootlok, kwōmaron naj aikuji letok melele ko relablok. Lale melele ko relablok ilo esd.wa.gov/unemployment/have-this-information-ready.

Wāween am kateruru:

Kwōmaron kateruru online ak ilo talebon. Bōtab, elab joñan an armij kall tok kiō im am kateruru online enaj mokajlok.

Kōmmane juon am akkoun ak kateruru online emmontata kōmmane ilo juon laptop ak kombutor. Kwōmaron kōjermal juon talebon ak tablet, bōtab rar jab kōmmane bwe en lukkun emmon an jermal ilo talebon im emaron bin am kajinete kobban.

Einwōt elōñ obj ko ilo state eo an Washington, Ra eo ej lale jermal ko (Employment Security Department) ej kōjermal SecureAccess Washigton (SAW) ñan lale an aoleb deloñe akkoun ko an armij. Elañe ejañin wōr am akkoun in SAW, kwōnaj aikuji kōmmane juon. Ñe kwōnaj, kwōmaron kōjermal ejjā username im password eo ñan am deloñe eServices.

- Jino ilo am etal ñan secure.esd.wa.gov/home.
 - Ñan jibañ ko relablok, kōjermal kōmelele ko ilo Kein Kajinet eo an eServies (eServices User Guide) emōj likūt ilo website eo amim iomwin Laajrak 2 ilo esd.wa.gov/unemployment.